






第二九五册

四庫全書

● 上海古籍出版社

本冊目次

元
附考

史(四)
證

明宋 濂等奉敕撰
清王祖庚等撰
.....
一

欽定四庫全書

史部
元史卷一百四十七至

檢討臣翁樹培謹勘

總校官編修臣朱鈴

欽定四庫全書

元史卷一百四十七

明翰林學士臣吳失知制誥兼修國史宋濂等修

列傳第三十四

張柔

張柔字德剛陽州定興人。世力農。柔少慷慨尚氣節。善騎射。以豪俠稱。金貞祐間。河北盜起。柔聚族黨保西山。東流寨。選壯士結隊伍。以自衛。盜不敢犯。郡人張信假

欽定四庫全書

元史
卷一百四十七

柔聲勢。納流人女為妻。柔鞭信百而還其女。信憾之。謀結黨害柔。未幾。信有罪當誅。柔救之得免。於是驍勇之士多慕義從之。中都經畧史苗道潤承制授柔定興令。累遷青州防禦使。道潤表其才。加昭毅大將軍。遙領永寧軍。節度使兼雄州管內觀察使。權元帥左都監行元帥府事。繼而道潤為其副賈瑀所殺。瑀遣使以好辭來告曰。吾得除道潤者。以君不助兵故也。柔怒叱使者曰。瑀殺吾所事。吾食瑀肉。且未足快意。反以此言相戲耶。

遂移檄道潤部曲會易州軍市川普衆為之復讎衆皆感泣道潤麾下何伯祥得道潤所佩金虎符以獻因推柔行經畧使事間加驃騎將軍中都留守兼大興府尹本路經畧使行元帥事戊寅國兵出紫荆口柔率所部逆戰於狼牙嶺馬蹶被執遂以衆降太祖還其舊職得以便宜行事柔招集部曲下碓易安係諸州攻破賈瑤於孔山誅瑤剖其心祭道潤瑤黨郭牧亦降盡有其衆徙治滿城金貞定帥武仙會兵數萬來攻柔以兵欽定四庫全書

元史
卷一百四十七

三

敗仙於祁州進攻深澤寧晉安平克之分遣別將攻下平棘藁城無極藥城諸縣闢地千餘里由是深冀以北鎮定以東三十餘城綠山反側鹿兕野貍等寨相繼降附一月之間與仙遇者凡十有七每戰則勝方獻捷于行在所行次宣德而易州軍叛逐其守盧應妻子據西山馬頭寨柔聞之即棄輜重還出奇計破其寨而誅叛者歸其妻子加榮祿大夫河北東西等路都元帥號巴圖爾置官屬將士遷授有差燕帥徹辰台數凌柔柔不為下乃譖柔於中都行臺曰張柔驍勇無敵向被執而降今委以兵柄戰勝攻取威震河朔失今不圖後必難制常欲殺我我不敢南也行臺召柔幽之土室徹辰台施帳寢其上環以甲騎明日將殺之徹辰台一夕暴死柔乃得免金經畧使固安王子昌善戰知名與信安張進連兵阻水為固遠近憚之柔出其不意率兵徑渡生擒以還乙酉真定武仙殺其帥史天倪其弟天澤使來求援柔遣驍將喬惟忠等率千餘騎赴之與仙戰敗之

元史
卷一百四十七

三

遂分遣惟忠宋演畧彰德徇齊魯福聖畧青魏山東
璽書授柔行軍千戶保州等處都元帥丙戌遣將以兵
從國王博囉攻李全于益都降之丁亥移鎮保州保自
兵火之餘荒廢者十五并盜出沒其間柔為之晝市并
定民居置官廨引泉入城疏溝渠以瀉卑濕通商惠工
遂致殷富遷廟學于城東南增其舊制壬辰從睿宗伐
金語其衆曰吾用兵殺人多矣寧無冤者自今以往非
與敵戰誓不殺也圍汴京柔軍於城西北金兵屢出拒

欽定四庫全書

元史
卷一百四十七

戰柔單騎陷陣出入數四金人莫能支金主自黃陵岡
渡河次漚麻岡欲取衛州柔以兵合擊金主敗走睢陽
其臣崔立以汴京降柔於金帛一無所取獨入史館取
金寶錄并祕府圖書訪求耆德及燕趙故族十餘家衛
送北歸遂圍睢陽金主走汝南汝南恃柴潭為阻會宋
孟珙以兵糧來會珙決其南潭水涸金人懼啓南門求
死戰柔以步卒二十餘突其陣促聶福堅先登擒二校
以歸又遣張信據其內隍諸軍齊進金主自殺汝南既

破下令屠城一小校縛十人以待一人貌獨異柔問之
狀元王鶚也解其縛宥禮之入朝太宗歷數其戰功班
諸帥上賜金虎符升軍民萬戶乙未從皇子庫春拔棗
陽繼從大帥塔心攻徐邵丁酉詔屯兵曹武以逼宋道
出几里關柔欲率所部徑往或言關甚險宋必設伏不
若與大軍俱進不聽與二十騎直前據關方解甲而食
宋兵出兩山間圍數重騎皆失色柔單騎馳突潰圍大
軍繼至遂達曹武卷下綠山諸堡攻洪山寨破之遂營

欽定四庫全書

元史
卷一百四十七

山下柔率衆出畧地他處宋兵乘虛來襲柔還與之遇
自旦至暮凡十餘戰大敗宋師斬其將校十有三人遂
會諸軍取光州又進趣黃州破三山寨至大湖中得戰
艦沿江接戰壁於黃州西北隅有乘舟出者柔曰此偵
伺我隙者也夜必襲吾不備乃分軍為三以待之二鼓
時宋師果至柔遮擊之俘數百人溺死者不可計攻其
東門矢石雨注軍少却柔率死士十餘奮戈大呼所向
仆踣執俘而還宋師懼請和乃還軍大帥察罕攻滁州

柔以二百騎往時廬泗盱眙安豐間宋屯戍相望斥堠甚嚴或勸柔勿行不聽且戰且前凡二十餘戰北至滁察罕以滁久不拔欲解去柔請決戰從之既陣宋驍將出挑戰柔佯却宋將驕柔馳及之槌擊墜地宋將執柔縶曳入其陣飛石中柔鼻兩軍聞柔得還裏瘡復戰夜遣鞏彥輝叔其營焚城東南隅柔銳卒五十七人先登拔之己亥以本官節度河南諸翼兵馬征行事河南三十餘城皆屬焉庚子詔柔等八萬戶伐宋辛丑升保州欽定四庫全書

元史
卷一百四十七

六

為順天府賜御衣數襲名馬二高廐馬百柔率師自五河口濟淮畧和州諸城師還分遣部下將千人屯田于襄城察罕奏柔總諸軍鎮祀初河決于汴西南入陳留分而為三杞居其中潭宋兵恃舟楫之利駐亳泗汴汴洛以擾河南柔乃即故杞之東西中三山夾河順殺水勢築連城結浮梁為進戰退耕之計敵不敢至會諸軍攻破壽州柔欲留兵守之察罕不從又敗宋師于泗州還杞帳下吏瓜爾佳顯祖得罪亡走上變誣柔執柔以

欽定四庫全書

元史
卷一百四十七

七

北大臣多以閹門保柔者卒辨其誣顯祖伏誅辛亥憲宗即位換授金虎符仍軍民萬戶甲寅移鎮亳州環亳皆水非舟楫不達柔焚城壁為橋梁屬汴堤以通商賈之利復建孔子廟設校官弟子負入奏帝悅賜衣一襲翎根甲一金符九銀符十九頒將校之有功者已未分裨將張果王仲仁從憲宗征蜀王安國胡進田伯榮宋演從宗王塔齊爾攻荆山柔從世祖攻鄂世祖由大勝關柔由虎頭關與宋兵遇於沙窩柔子宏彥擊破之進與守關兵戰敗之世祖自陽羅渡江從柔會兵攻鄂百餘日不能下世祖諭之曰吾猶獵者不能擒園中豕野獵以供汝食汝可破園而取之柔乃令何伯祥作鵝車洞掘其城別遣勇士先登攻其西南陬屢破之會憲宗凶問至宋亦行成世祖北還命柔統領蒙古漢軍以俟後命城白鹿磯為久駐計中統元年世祖即位詔班師額呼布格反世祖北征詔柔入衛至廬朐河有詔止之分其兵三千五百衛京師以子宏慶為質二年以金寶

錄獻諸朝且請致仕封安肅公命第八子宏畧襲職至元三年加榮祿大夫判行工部事城大都四年進封蔡國公五年六月卒年七十九贈推忠宣力翊運功臣太師開府儀同三司上柱國諡武康延祐五年加封汝南王諡忠武子十有一人宏畧宏範最顯宏範自有傳

宏畧字仲傑柔第八子也有謀畧通經史善騎射嘗從柔鎮杞徙亮歲乙卯入朝憲宗授金符權順天萬戶從征蜀以其幼賜錦衣令還鎮柔既致仕授宏畧金虎符

欽定四庫全書

元史
卷一百四十七

順天路管民總管行軍萬戶仍總宣德河南懷孟等路

諸軍屯亳者中統三年李璫反求救於宋將夏貴貴自斷棄虛北奪亳滕徐宿邳滄濱七州新蔡符離蘄津四縣殺守將宏畧率戰船過之于渦口貴退保蘄宏畧發亳軍攻之水陸並進宋兵素憚亮軍焚城宵遁追殺殆盡獲軍資不可計盡復所失地李璫既誅追問當時與璫通書者獨宏畧書皆勅以忠義事得釋朝廷懲璫叛逆務裁諸侯權以保全之因解宏畧兵職宿衛京師

欽定四庫全書

元史
卷一百四十七

賜濟遜冠服以從宴享至元三年城大都佐其父為築宮城總管八年授朝列大夫同行工部事兼領宿衛親軍儀衛等局十三年城成賜內帑金鉤瑋珎危授中奉大夫淮東道宣慰使十四年宋廣王昺據閩廣時東海縣儲粟數萬行省檄宏畧將兵二千戍之仍命造舟運粟入淮安宏畧顧民舟有能載粟十石者與一石人爭趨之一月而畢十六年遷江西宣慰使會饒州盜起犯都昌宏畧以為饒雖屬江東與南康止隔一湖此寇不滅則吾境必有相扇而起者乃使人直搗其巢穴生縛賊酋磔于市餘黨潰散下令曰不操兵者皆為平民餘無所問項之以疾歸亮有讒貴臣子在江南買田宅樂而忘歸者詞引宏畧或謂宏畧曰公但居亳未嘗在江南入見宜自明宏畧曰明之則言者獲譴矣吾寧稱疾家居二十九年見世祖于龍虎臺請曰臣之子玠長矣願備宿衛從之且賜以酒曰卿年未老謝事何為特命為河南行省參知政事元貞二年卒贈推忠佐理功臣

銀青榮祿大夫平章政事上柱國蔡國公諡忠毅子三人玠瑾瑛

史天倪

史天倪字和甫燕之永清人曾祖倫火好使因築室發土得金始饒於財金末中原塗炭乃建家塾招採學者所藏活豪士甚衆以俠稱於河朔士族陷為奴虜者輒出金贖之甲子歲大侵發粟八萬石賑饑者士皆爭附之祖成珪個儻有父風遭亂盜賊四起乃悉散其家財

欽定四庫全書

元史
卷一百四十七

十一

唯存廩粟而已父秉直讀書尚氣義癸酉太師國王穆呼哩統兵南伐所向殘破秉直聚族謀曰方今國家喪亂吾家百口何以自保既而知降者皆得免乃率里中老稚數千人詣涿州軍門降穆呼哩欲用秉直秉直辭而薦其子乃以天倪為萬戶而命秉直督領降人家屬屯霸州秉直拊循有方遠近聞而附者十餘萬家尋遷之漠北降人道饑秉直得所賜牛羊悉分食之多所全活甲戌從穆呼哩攻北京乙亥北京降穆呼哩承制以

烏頁爾為北京路都元帥秉直行尚書六部事主餽餉

軍中未嘗乏絕唐寅以老謝事歸鄉里卒年七十一三子長天倪次天安次天澤天澤自有傳天倪始生之夕白氣貫庭成童姿貌魁傑有道士見而異之曰封侯相也及長好學日誦千言大安末舉進士不第乃歎曰大丈夫立身獨以文乎哉使吾過荒難夜鳴擁百萬之衆功名可唾手取也穆呼哩見而奇之既以萬戶統諸降卒從穆呼哩畧地三關已南至東海所過城邑皆下

欽定四庫全書

元史
卷一百四十七

十一

因進言於穆呼哩曰金棄幽燕遷都于汴已失策矣遼水東西諸郡金之腹心也我若得大寧以扼其咽喉則金雖有遼陽終不能保矣穆呼哩善之先倫卒時河朔諸郡結清樂社四十餘社近千人歲時像倫而祠之至是天倪選其壯勇萬人為義兵號清樂軍以從兄天祥為先鋒所向無敵分兵畧三河薊州諸砦望風款服甲戌朝太祖于燕之幄殿所陳皆奇謀至計大稱旨賜金符授馬步軍都統管領二十四萬戶從穆呼哩攻高州

又從攻北京皆不戰而克乙亥授右副都元帥改賜金虎符奉詔南征圍平州金經畧使奇珠降進兵真定所屬郡邑無不款附而真定帥武仙固守不下遂移軍圍大名衆謂城堅不可擊天倪使攻其西南角勦卒屢上屢却天倪先登守者辟易遂破其城丙子會穆呼哩兵於燕南清州監軍王守約平州推官必達俱以城叛連謀越海歸金天倪追襲至樂安哈達以益都行省孟古兵來拒敗之殺守約擒孟古斬首萬級丁丑徇山東諸

欽定四庫全書

元史
卷一百四十七

郡部卒有殺民豕者立斬以徇軍中肅然遠近響應知中山李明趙州李瑀邢州武貴威州武振磁州李平沼州張立等望風皆下已卯從穆呼哩徇河東至絳州其圍樓堞以石牢不可破天倪命穴其旁地虛樓陷遂拔之穆呼哩喜賞以繡衣金鞍名馬庚辰還軍真定武仙降穆呼哩承制以天倪為金紫光祿大夫河北西路兵馬都元帥行府事仙副之天倪乃言於穆呼哩曰今中原粗定而所過猶縱抄掠非王者弔民伐罪意也且王

奉天子命為天下除暴豈復效其所為乎王曰善下令敢有剽虐者以軍法從事辛巳金懷州元帥王榮潞州元帥裴守謙澤州太守王珍皆以城降壬午攻濟南水砦破之癸未徇山西遂克三關不決旬定四十餘砦兵至河衛喜曰河衛者夷門之限也河衛既破則夷門不能守矣嚴實以兵來會請自攻河衛天倪曰哈達布哈亦勦敵也實曰易與耳保為公破之明日實與布哈兵遇於南門哈達兵自北倉至實兵敗竟為所執天倪曰

欽定四庫全書

元史
卷一百四十七

哈達以實歸汴必以今夕急命馮存杜必貴率壯士一千三百伏延津柳渡果夜縛實過延津遇存等與戰敗之實得脫歸必貴戰死未幾帝命天倪回軍真定甲申夏大名總管彭義斌以宋兵犯河朔天倪逆戰於恩州義斌敗入保大名乙酉師還聞武仙之黨據西山腰水鐵壁二砦以叛天倪直擣其巢穴盡掩殺之仙怒謀作亂乃設宴邀天倪有知其謀者止天倪毋往天倪不從遂為仙所殺天倪之赴真定也兼直密戒之曰觀武仙

之辭氣終不為我用宜備之天倪曰我以赤心待人人或相負天必不容願無慮秉直乃攜其孫楫權還北京至是人服其先識先是天倪擊鞠夜歸有大星隕馬前有聲心惡之果及禍天倪死時年三十九妻程氏聞亂恐汚於賊乃自殺于五人其三人尚幼俱死於難惟楫權在

相字大濟歲己亥知中山府事尋遷征南行軍萬戶翼經畧徇地斬黃善撫士卒所向有功壬寅天澤引楫入欽定四庫全書

元史
卷一百四十七

古

見太宗奏曰臣兄天倪死事時二子尚幼臣受詔攝行府事今楫已成入乞解職授之帝嘉歎曰今之爭官者多讓官者少卿此舉殊可嘉尚朕自有官與之即以楫為真定兵馬都總管佩金虎符辛亥朝廷始徵包銀楫請以銀與物折仍減其元數詔從之著為令各道以楮幣相貿易不得出境二三歲輒一易鈔本日耗商旅不通楫請立銀鈔相權法人以為便或請運鹽按籍計口給民以食楫爭其不可曰鹽鐵從民貿易何可若差稅

例配之議遂寢元氏民有翹府僚於達官者質之無實將抵之死楫力為營解達官曰是人陷汝輩死地而反抹之何耶楫曰誅之固足以懲後未若宥之以愧其心況人命至重豈宜以妄言之故而以極刑乃杖而遣之中統元年授真定路總管同判本道宣撫司事真定

欽定四庫全書

元史
卷一百四十七

五

表山帶河連屬三十餘城生殺進退咸倚專決楫謹身率先明政化信賞罰任賢良汰貪墨恤冤獨民咸德之所舉州縣佐吏有文學者三十餘人後皆知名會天澤言兵民之柄不可併居一門行之請自臣家始楫即日解綬歸卒年五十九子炆常德管軍總管輝知孟州燧同知東昌府事煊潼關提舉煬僉廣西按察司事

權字伯衡勇而有謀初以權萬戶從天澤南征歲壬子天澤以萬戶改河南經畧使乃以權代其任甲寅屯軍鄧州敗宋將高達於樊城己未世祖自將伐宋權出迎於淮西世祖渡江次鄂州而憲宗崩世祖還乃命權總兵鎮江北岸之武磯山中統元年降詔獎諭賜金虎

符授真定河間瀋棣邢洺衛輝等州路并摩哩亂軍兼屯田州城民戶沿邊鎮守諸軍總管萬戶其所屬千戶

萬戶悉聽號令至元六年召至闕下問以征南之策對曰襄陽乃江陵之藩蔽樊城乃襄陽之外郭我軍若先攻樊城則襄陽不能支梧不戰自降矣然後駐兵嘉定耀武淮泗事必有濟帝善其計七年宋兵侵邊權引兵趨荆子口大破之帝賜白金五百兩權悉以分勞士卒宋將夏貴以船萬艘載壯士欲奪江面權進攻破之帝

欽定四庫全書

元史
卷一百四十七

五

賜以衣帶弓矢鞍勒既而轉糧于隨貴復引兵拒我前路權戰破之賜白金七百兩制授河南等路宣撫使未上賜金虎符充江漢大都督總制軍馬總管屯田萬戶會天澤言一門不可兼掌兵民之柄乃授權鎮國上將軍真定等路總管兼府尹徙東平又徙河間卒

樞字子明天安字全甫秉直仲子也歲癸酉從秉直降太師穆呼哩以其兄天倪為萬戶而質天安軍中丁丑從討錦州叛人張致平之已卯從畧地關右生擒廊

州驍將張資祿號張鐵槍者乙酉武仙殺天倪于真定天安率衆來會天澤併力攻仙敗走之以功授行北京

元帥府事撫治真定唐寅宋聚兵邢之西山聲言為仙援遣其徒趙和行間城中誣倖副李甲劉清嘗輸款為內應守將械兩人送府大帥赴命戮之天安揣知其詐請自鞠之果得其情遂斬和以徇壬辰從伐金師還討劇盜梁滿蘇傑等悉平之甲午宣權真定等路萬戶賜金符丙午入覲賜黃金五十兩白狐裘一牝馬百乙卯

欽定四庫全書

元史
卷一百四十七

五

卒樞年二十餘以勲臣子知中山府有治績甲寅初籍新軍天澤以長兄二子各有官位而仲兄之子未仕乃奏樞為征行萬戶配以真定彰德衛州懷孟新軍戊唐鄧乙卯敗宋舟師於漢水之駕駕灘賜金虎符戊午憲宗伐宋入自蜀從天澤詣行在朝帝于大散關帝勞之曰卿久鎮東方茲復遠來勤亦至矣樞對曰臣之祖父受國厚恩今陛下親御六師暴露萬里之外臣獨不能出死力以報萬分之一邪帝壯其言命為前鋒立宋餞

州僑治於苦竹崖前阻絕澗深數百尺恃險而不備帝使樞領之樞率健卒數十縋而下得其所以致師處以聞帝起樞急取之宋人懼乃降翼曰大宴帝顧皇后命飲樞酒且諭新附渠帥曰我國家自開創以來未有皇后賜臣下酒者特以樞父子世篤忠貞故寵以殊禮有能盡瘁事國者禮亦如之已未從天澤擊敗宋將呂丈德於嘉陵江追至重慶而還賜黃金五十兩白金二百兩錦一匹世祖即位改賜金虎符中統二年從天澤扈

欽定四庫全書

元史

卷一百四十七

六

駕北征三年李璫叛據濟南復從天澤往討之城西南有大澗亘歷山樞一軍獨當其險夾澗而城堅木柵於澗中淫雨暴漲木柵盡壞樞曰賊乘吾隙俟夜必出命作葦炬數百置城上遽三鼓賊果至飛炬擲之風怒火烈弓弩齊發賊衆大潰自相蹂躪死者不可勝計未久璫就擒至元四年宋兵圍開達諸州以樞為左壁總帥佩虎符凡河南山東懷孟平陽太原京兆延安等軍悉統之宋兵聞之解去六年高麗人金通精據珍島以叛

討之歲餘不下七年進樞昭勇大將軍鳳州經畧使樞至謂諸將佐曰賊勢方張未易力勝况炎暑海氣蒸鬱弓力弛弱猝不可用宜分軍為三多張旗幟以疑之吾與諸君潛師擣其巢穴破之必矣與戰大破之其地悉平十二年復以萬戶從丞相已延伐宋賜錦衣一寶鞍一弓一矢百甲十注馬十二疋仍給天澤帳下士十人以從宋平署安吉州安撫使時新附之初民所在依險阻自保樞以威信招懷之復業為民者以千萬計十四年移疾還十九年起為東京路總管辭不受二十三年拜中奉大夫山東東西道宣慰使治濟南後又治益都二十四年卒年六十七子煥昭勇大將軍後衛親軍都指揮使佩金虎符煇奉訓大夫祕書少監

欽定四庫全書

元史

卷一百四十七

九

史天祥

史天祥父懷德尚書秉直之弟也歲癸酉太師國王穆呼哩從太祖伐金天祥隨秉直迎降於涿穆呼哩命懷德就領其黑軍隸帳下署天祥都鎮撫選降卒長身武

勇者二百人使領之招徠丁壯得衆萬餘從取霸州文安大城滄濱長山等二十餘城東下淄沂密三州所至皆先登詔賜以銀符從大軍攻燕不克甲戌畧地高州拔惠和金源和衆龍山利建富庶等十五城惟大寧固守不下天祥獲金將完顏呼遶移呼哩欲殺之天祥曰殺一人無損於敵適驅天下之人為吾敵也且其降時嘗許以不死今殺之無以取信於後不若從而用之乃以為千戶復合衆攻其城懷德先登擒其二將為流矢

欽定四庫全書

卷一百四十七

三

大小百餘戰昭努死達魯敗走得戶二萬授西山總帥兵馬興州節度使趙守玉反天祥與烏頁爾分道討平之達魯復聚衆攻龍山以挾刺烏頁爾中脅隨墮馬天祥馳救得免復整陣出戰大敗之斬首八千級達魯戰死追克中興府張致盜據錦州從移呼哩討平之會契丹漢軍擒開肅復利州殺劉祿於銀冶斬首五十級尖山香爐紅螺塔山大蟲駝駝圍崖諸寨悉平虜生口萬餘得錦州舊將杜節并黑軍五百人即命討之丙子春

欽定四庫全書

卷一百四十七

三

觀太祖於魚兒濼賜金符授提控元帥拔蓋金蘇復等州獲金完顏努力耶律圖美遷鎮國上將軍利州節度使所部降民都總管監軍兵馬元帥丁丑夏山賊祁和尚據武平討平之縛金將巢元帥又滅綽爾盜衆萬人於興州之車河已邠權兵馬都元帥蒙古漢軍黑軍並聽節制下河東平陽河中苛嶺絳石隰吉廓等八十餘城庚辰至真定移呼哩使天祥攻城天祥因請曰攻之恐戮及無辜不如先往諭之苟其不從加兵未晚移呼

哩許之天祥往見守將武仙諭以禍福仙悟乃降烏頁
爾請留天祥守真定穆呼哩曰天下未定智勇士可離
左右乎吾將別處之乃以秉直之子天倪為河北西路
兵馬都元帥鎮真定以天祥為左副都元帥餘如故引
兵南北邢西遼水山下仙尤貴以萬人壁於山上負固
不下天祥攜完顏呼遜及黑軍百人由鳥道扳援而上
盡掩捕之仙驚曰公若有羽翼者不然何其能也遂下
邢磁相三州從戰黃龍岡破單勝宛三州穆呼哩圍東

欽定四庫全書

元史
卷一百四十七

三

平久不下怒為百爾不盡力將手斬之天祥請代攻穆
呼哩喜付皮甲一又與已鐵鎗并被之鏖戰不已穆呼
哩使人止之曰爾力竭矣宜少休復以金鞍名馬與之
辛已從取綏德廊坊等五十餘城壬午穆呼哩攻青龍
金勝諸堡花帽軍堅守不下既破欲屠之天祥力諫而
止獲壯士五十人癸未春還軍河中穆呼哩上其功賜
金虎符授蒙古漢軍兵馬都元帥總十二萬戶鎮河中
冬徇西夏破賀蘭山還遇賊射傷額出血目為之昏甲

申歸北京授右副北京等七路兵馬都元帥庚寅朝太
宗於盧朐河乞致仕不允辛卯太宗用兵河南強從之
行轉漕河上給餉諸軍壬辰命天祥領汴京百工數千
屯霸州之益津行元帥府事賜錦衣一襲初天祥夜中
流矢鏃入頰骨不能出至是金瘡再發鏃自口出睿宗
聞而閔之授海濱和衆利州等處總管萬領霸州御衣
局人匠都達魯噶齊行北京七路兵馬都元帥府事憲
宗即位俾仍舊職戊午秋九月以疾卒年六十八天祥

欽定四庫全書

元史
卷一百四十七

三

幼有大志長身駢脅力絕人性不嗜酒喜稼穡好施予
乙未括戶縱其奴千餘口俾為民晚雖喪明憂國愛民
之心未嘗亡也子彬江東提刑按察副使槐襲霸州御
衣局人匠都達魯噶齊

元史卷一百四十七考證

火天倪傅子權充江漢大都督 案世祖本紀史權于
中統三年已為江漢大都督命將兵赴燕此言七年
始充是職彼此互異

欽定四庫全書

元史
卷一百四十七

欽定四庫全書

元史卷一百四十八

明翰林學士亞中大夫知制誥兼修國史宋濂等修

列傳第三十五

董俊 子文蔚 文用 文忠 文直

董俊字用章真定藁城人少力田長涉書史善騎射金
貞祐間邊事方急藁城令立的募兵射上中者拔為將
衆莫能弓獨俊一發破的遂將所募兵迎敵歲乙亥國

欽定四庫全書

元史
卷一百四十八

王穆呼哩帥兵南下俊遂降已卯以勞擢知中山府事
佩金虎符金將武僊據真定定武諸城皆應僊俊率衆
夜入真定逐僊走之定武諸城復去僊來附庚辰春金
大發兵益僊治中李全叛中山應之俊軍時屯曲陽僊
銳氣來戰敗之黃山下僊脫走獻捷於穆呼哩由是僊
以窮降穆呼哩承制授俊龍虎衛上將軍行元帥府事
駐藁城俊嘗謁穆呼哩曰武僊黠不可測終不為我用
請備之穆呼哩然其言承制授左副元帥陞藁城縣為